

陶雲汀先生奏疏

奏摺卷二十四目錄

補遺

撫
皖蘇稿

安化陶澍

甄別並酌量調補摺子

附片二件

請揀發知縣摺子

委署司道摺子

徵收錢糧比較摺子

安徽額徵錢糧年終截數摺子

甄別並酌量調改摺子

藩司扣廉攤賠屬虧摺子

請補要缺府州摺子

總督會稿

請留調任臬司辦理秋讞摺子

知縣拏獲鄰境盜匪摺子

委護糧道並請

旨簡放摺子 總督會稿

請揀員調補首府摺子 總督會稿

江蘇應徵錢糧比較完欠分數摺子

清釐徐州府庫墊款摺子

請留調任藩司辦漕摺子 總督會稿

委署藩臬道府摺子 總督會稿

江安蘇松兩糧道漕項完欠比較分數摺子

請補首郡要缺同知摺子

總督會稿

調署糧道並請

旨簡放摺子

總督會稿

甄別並酌量調補摺子

附片一件

奏爲甄別衰庸及不勝任各員請

旨勒休改用並酌量調補以重地方仰祈

聖鑒事

臣惟爲政首在得人安民必先察吏

臣自蒞

事以來時刻留心以辨別賢否爲第一要務諄諄誨導俾營官箴頃因巡閱暨查勘水災周歷各處復細加察覈查有無爲州知州吳甸華實年已逾七十精力衰頹難期振作該員前在阜陽縣任內曾獲捻匪出力奉

旨以直隸州知州用借補今職應請以原銜休致又青

陽縣知縣彭程萬由教官截取選補江西樂平
縣對調來皖該員人尙質實業已衰憊步履維
艱應請休致又巢縣知縣武明阿係由宣城改
簡之員才具本屬中平難勝州縣應請以六部
筆帖式改補又舒城縣知縣金世福由直隸告
病回籍丁憂服闋選補今職該員性情躁率不
洽輿情惟年力正強應請以府經歷縣丞酌量
降補又涇縣一缺夙稱難治現任陶登瀛心地
淳厚辦事亦勤而於該縣情形未甚相宜查有
天長縣知縣中汝慧端詳幹練前經委署涇縣

諸事熟悉應請調補涇縣知縣其天長一缺卽以陶登瀛調補一轉移間彼此均可得力以上各員臣因地方起見兼之切近災區尤關緊要未便以

計典在卽稍存姑俟之見謹據實分別具

奏請

旨遵行如蒙

俞允所有涇縣天長係疲難中缺對調銜缺相當毋庸送部引

見無爲青陽係休致之缺應在外遴補現在均值水

災容臣慎選堪勝人員補用舒城巢縣係改補之缺應歸部選合併聲明除行司分別撤省委員接署查明經手倉庫有無虧欠另行核辦外謹會同協辦大學士兩江總督臣孫玉庭合詞具

奏伏乞

皇上聖鑒訓示施行謹

奏

夾片一件

再無爲州缺係屬勒休應歸外補該州地廣人

衆本年被水極重還定安集亟須料理兼江壩
工程浩大非精幹之員弗克勝任實爲目前第
一要區臣與兩司熟商查得候補知州內有劉
用錫一員堪以補授又現任知縣內有朱士達
一員堪以陞補謹開列履歷恭呈

御覽倘蒙

聖恩勅補一員俾得迅速赴任趕辦地方要務實於
災區有益謹附片具

奏請

旨

道光三年七月十三日拜發八月二十三日奉
硃批另有旨欽此又夾片一件奉

硃批覽欽此同日奉到道光三年八月初四日內閣
奉

上諭陶澍奏甄別衰庸及不勝任各員請旨勒休改
用並酌量調補一摺安徽無爲州知州吳甸華精
力衰頹難期振作青陽縣知縣彭程萬人已衰憊
步履維艱俱著勒令休致巢縣知縣武明阿才具
中平難勝民社無庸改補筆帖式著卽勒令休致
舒城縣知縣金世福性情躁率不洽輿情惟年力

正強著以府經歷縣丞降補天長縣知縣申汝慧
著照所請准其調補涇縣知縣其天長一缺卽著
陶登瀛調補至另片開列各員請補知州遺缺所
有無爲州知州著以劉用錫補授該部知道欽此

請揀發知縣摺子

奏爲知縣人員不敷委用請

旨揀發以資差委仰祈

聖鑒事竊照知縣一官責任綦重必須明白勤幹之
員方足以資治理非但題補實任遴選必應詳
慎卽暫時署事亦須擇人而任庶於地方不致
貽誤查安徽省知縣共有五十缺凡遇事故出
缺卽須委員署補現在候補試用知縣共二十
三員內有上次清查虧項未繳

奏明扣委扣補者二員業經題補尙未奉准部覆

者四員甫經出缺應行請補者二員其餘聽候
差委者僅有十五員因各屬被水查辦災務及
現委署任俱已出省此時設有缺出實無堪以
委署之人至佐雜中合例堪委知縣者亦甚寥
寥伏查江南近省定例原不准

奏請揀發惟查道光元年前撫臣李鴻賓曾以差
委乏人

奏奉

諭旨揀發符鴻等七員來安徽補用甚爲得力臣與
藩臬兩司再四籌商不得不再行援案

奏請合無仰懇

皇上天恩俯念需員緊要

勅下吏部在於曾經任事之候補候選知縣內揀選
四員飭令速來安徽以資差委實於公事有裨
謹會同協辦大學士兩江總督臣孫玉庭合詞
恭摺具

奏伏乞

皇上聖鑒訓示謹

奏

道光三年七月二十八日拜發九月初四日奉

硃批另有旨欽此同日奉到八月十六日內閣奉
上諭陶澍奏知縣不敷委用請於曾經任事之候補
候選知縣內揀發四員著交吏部卽行揀選帶領
引見候旨發往欽此

委署司道摺子

奏爲臬司陞任藩司請將臬道各篆遞行委署恭摺奏

聞事竊臣於道光三年十一月十三日接准吏部咨欽奉

上諭誠端現在丁憂惠顯著補授福建布政使齡住著調補安徽按察使所遺山西按察使員缺著盧元偉補授欽此查臬司惠顯應卽遵

旨起程新任臬司齡住遠在山西到任尙需時日所遺臬篆應行委署查有廬鳳道戴聰廉明勤正

諸事實心前經委署臬篆辦理裕如堪以委署
其廬鳳道印務查有鳳陽府知府程懷璟淳明
歷練爲守兼優前經兼護道篆諸屬妥洽堪以
就近兼護除檄飭遵照外所有遞署緣由謹會
同協辦大學士兩江總督臣孫玉庭恭摺具
奏伏乞

皇上聖鑒謹

奏

道光三年十一月十九日拜發十二月二十一日奉到

硃批知道了欽此

徵收錢糧比較摺子

奏爲查明安徽省道光二年奏銷錢糧比較上三年完欠分數仰祈

聖鑒事竊查前准部咨御史劉尹衡奏州縣徵收錢糧請責成該管上司實力催徵一摺欽奉

上諭著照部議設立比較之法各省督撫於奏銷題報之外照例具奏摺內開具清單明列通省三年比較於本年額徵若干已完若干未完若干積年舊欠若干本年帶徵已完若干未完若干比之上三年最多最少之數或盈或絀一一註明使眉目

清楚一覽了然該督撫務當詳悉認真核辦不可有名無實以致日久視爲具文等因欽此當經行司欽遵查辦茲據藩司徐承恩詳稱安徽省每年額徵丁地等項正耗錢糧例限上忙四月完半下忙十月全完次年五月造報完欠奏銷其因水旱偏災分限二三年帶徵之項卽歸入應行帶徵之年額徵數內併計催提造報核計考成嗣於嘉慶二十二年奉部議行各省每年額徵正雜錢糧分限上下兩忙催徵截清徵解之數於六月十二月造冊奏咨經前司議詳安徽

省每年額徵丁地驛站省外屯衛米麥豆折蘆
課契雜稅等項正耗錢糧向係分案造報奏銷
若照舊辦理恐難稽核請照耗羨滙總之例分
案核計完欠彙造一冊經部覆准在案今奉部
議設立三年比較之法自應遵照新定章程畫
一查辦除契雜稅一欸歲無定額並非丁田徵
解之項應歸本案提解造報毋庸比較外所有
道光二年奏銷案內額徵丁地等項正耗及帶
徵節年各欸錢糧遵照部行剔除蠲緩以奏銷
之日截數將通省實徵已未完數目滙總核計

分數比較上三屆分晰多少註明盈絀開造簡
明清摺呈送前來臣覆核無異謹會同協辦大
學士兩江總督臣孫玉庭恭摺具
奏另繕清單敬呈

御覽再帶徵節年災緩錢糧例應扣滿年限再行計
考摺開應徵數內多有甫經屆限尙未限滿之
欸是以未能照數徵完所有應議考成應請仍
歸各奏銷本案扣滿年限分別開報以昭核實
合併陳明伏乞

皇上聖鑒謹

奏

道光四年四月初一日拜發五月初二日奉到
硃批知道了欽此

安徽額徵錢糧年終截數摺子

奏爲安徽省各屬道光三年分額徵地漕等項錢糧截至是年十一月底止完欠數目恭摺奏

聞事竊照嘉慶八年五月准戶部咨議奏各直省徵收正雜錢糧令各省督撫將新徵數目於十二月內先行奏明仍照例於次年四月具題等因遵奉在案所有道光三年分額徵地漕等項已未完錢糧數目例應年底截數

奏報經

臣

節檄催詳去後茲據布政使徐承恩詳

稱漕倉錢糧完欠各數應由糧道開送到司一

併查明彙開清單呈請具

奏前來

臣

查安徽省道光三年分額徵地丁驛站

等銀除災蠲外實徵銀一百四十三萬六千四百二十七兩零內除安慶寧國等府州屬因災分年帶徵及緩徵共銀四十三萬三千九百九十九兩零實徵銀一百萬二千四百二十八兩零截至道光三年十一月底止已完銀八十四萬三千五百五十六兩零未完銀一十五萬八千八百七十二兩零又額徵漕倉除災蠲外實徵銀一十九萬二千二百三十八兩零內除緩

帶銀九萬五千九百二十六兩零實徵銀九萬
六千三百一十二兩零截至道光三年十一月
底止已完銀六萬六千四百八十四兩零未完
銀二萬九千八百二十八兩零又額徵屯米除
災蠲外實徵米三萬一百四十三石零俱係因
災緩帶應行分限啟徵之款均核與各屬報案
相符其未完銀兩現在趕緊催徵歸入奏銷案
內造報除咨戶部查核外理合遵例會同協辦
大學士兩江總督臣孫玉庭恭摺具
奏並另繕清單敬呈

御覽伏乞

皇上聖鑒謹

奏

道光四年五月十二日拜發六月十五日奉到
硃批知道了欽此

甄別並酌量調改摺子

奏爲甄別州縣各員請

旨勒休並酌量調改以重地方仰祈

聖鑒事竊照州縣爲親民之官必須隨時體察遇有不能稱職及人地未宜之員卽應據實甄別免致貽悞地方茲臣與藩臬查得廣德州知州景文久病未痊人亦疲鈍將來病愈亦難起用應請

旨勒令休致所遺廣德州缺照例歸入部選又婺源縣知縣孫敏浦人頗安詳辦事亦尙黽勉惟於

該縣地方情形未宜查有來安縣知縣符鴻居
心平正辦事練勤堪以調補婺源縣知縣所遺
來安縣缺事務甚簡卽以孫敏浦補授亦堪勝
任如蒙

俞允所有孫敏浦一員係由中缺改簡應照例給咨
送部引

見恭候

欽定又大挑候補知縣劉坊辦事踈率難勝知縣之
任惟係舉人出身尙未得有實缺文理夙優應
請以教職改補以上甄別各員臣爲地方起見

與大學士兩江總督臣孫玉庭往返札商意見
相同謹合詞具摺伏乞

皇上聖鑒

訓示施行謹

奏

道光四年十一月初四日拜發十二月初三日
奉到

硃批另有旨欽此同日奉到十一月二十日內閣奉
上諭陶澍奏甄別州縣一摺安徽廣德州知州景文
久病未痊著卽勒令休致婺源縣知縣孫敏浦人

地未宜著調補來安縣知縣照例送部引見所遺
員缺卽以符鴻對調候補知縣劉坊辦事疎率難
勝民社之任惟係舉人出身文理尙優著以敘職
改補該部知道欽此

藩司扣廉攤賠屬虧摺子

奏爲藩司攤賠蘇省屬員銀兩請將養廉扣半完繳仰祈

聖鑒事案准戶部咨江蘇省己革江都縣知縣周右虧挪倉庫錢糧未完銀三萬八千六百五十七兩零該員原籍任所均已嚴查並無資財隱寄寓所衣物亦經查抄淨盡援照成案著落失察之歷任知府分賠五成道員分賠三成藩司分賠二成俱勒限一年完繳內陞任安徽藩司徐承恩前在淮揚道任內自嘉慶二十四年八月

二十六日周右到任之日起至二十五年十二月二十七日卸事前一日止計在任四百八十一日應攤賠銀一萬八百三十一兩五錢九分七釐零移咨任所就近着追完繳等因當經檄行遵照去後茲據藩司徐承恩詳稱奉追攤賠周右虧挪銀兩應卽遵限完繳惟銀數較多一時力難全繳伏查安徽藩司每年應支養廉銀八千兩於辦公外尙可節省所有應完前項攤賠銀兩應請自本年閏七月二十六日奉文之日起在於應得養廉銀內按年扣繳銀四千兩

其餘銀四千兩請准留支爲辦公之需等情詳請代

奏前來臣查該司徐承恩應繳江蘇攤賠欵項爲數較多據稱一時力難全繳係屬實在情形可否仰懇

天恩准其於應支藩司養廉內按年扣繳銀四千兩餘銀四千兩留爲辦公之需俾賠欵得以早清而辦公亦不致竭蹶之處出自逾格

鴻施謹會同大學士兩江總督臣孫玉庭據情恭摺代

奏伏乞

皇上聖鑒謹

奏

道光四年十一月十八日具

奏十二月十七日奉到

硃批另有旨欽此同日奉到十二月初三日內閣奉
上諭陶澍奏藩司攤賠銀兩請將養廉扣半完繳一
摺安徽藩司徐承恩從前曾任淮揚道於失察屬
員周右虧挪倉庫案內例應攤賠銀一萬八百三
十一兩零惟爲數較多一時力難全繳著照所請

准其於應支藩司養廉內按年扣繳銀四千兩其
餘銀四千兩著加恩留爲辦公之用該部知道欽
此

請補要缺府州摺子

總督會稿

奏爲請補要缺知府直隸州以資治理仰祈

聖鑒事竊照潁州府知府麟慶奉

旨補授河南開歸陳許道又奉

上諭安徽潁州府知府員缺緊要著該督撫於通省

知府內揀員調補所遺員缺著牛映奎補授等因

欽此

臣等查潁州府知府係繁疲難三項相兼

要缺地方遼濶民俗獷悍兼以接連豫省紅鬍

捻匪此挈彼竄刻須防範非精明幹練熟悉地

方情形者難以勝任

臣

等督同藩臬兩司於通

省知府內逐加遴選非現居要缺卽人地未宜
實無堪調之員惟六安州知州牛映奎年六十
歲山西徐溝縣舉人由揀發知縣

題補巢縣知縣因委署懷寧縣任內辦理災賑出
力奉

旨以應陞之缺陞用旋經

奏陞今職於道光元年九月到任曾經兩署潁州
府篆寬猛得宜辦理妥協現奉

諭旨補授潁州府遺缺知府復經

奏明卽令該員署理潁州在案

臣

等查牛映奎清

勤練達爲守兼優屢署潁郡於地方情形深所熟悉以之補授潁州府知府實堪勝任如蒙

俞允所遺六安州員缺亦係繁疲難兼三要缺例應在外揀選調補查有阜陽縣知縣孫靈府年五十五歲河南內鄉縣舉人由大挑知縣分發安徽

題補貴池縣知縣調補阜陽縣因敎匪邢名章王王氏等在河南謀逆竄入阜陽境內當經擒捕出力奏奉

諭旨給咨引

見奉

旨孫靈府著回任以直隸州知州用欽此現署六安
州知州辦理裕如查該員孫靈府居心誠樸辦
事幹勤以之陞補六安直隸州知州洵於要缺
有裨據藩臬兩司會詳前來臣等謹合詞恭摺
具

奏伏乞

皇上聖鑒訓示再奉

旨揀選之缺不論叅罰且牛映奎係奉

特旨應補知府人員孫靈府係奉

旨以直隸州知州用請補六安直隸州知州銜缺杞
當毋庸列敘叅罰亦毋庸送部引

見合併陳明謹

奏

道光五年三月初三日拜發四月初三日奉到
硃批另有旨欽此同日奉到

上諭魏元煜等奏請補要缺知府直隸州一摺著照
所請安徽潁州府知府員缺准其以牛映奎補授
所遺六安州直隸州知州員缺卽著孫靈府陞補
該部知道欽此

請留調任臬司辦理秋讞摺子

奏爲懇請暫留調任臬司俟秋審辦竣再行交卸
以重讞典仰祈

聖鑒事接准部咨道光五年二月十五日內閣奉

上諭劉斯崐著調補山東按察使裕泰著調補安徽
按察使等因欽此欽遵轉行遵照所有臬司印務
應卽委員接署惟皖省僅有安徽鳳廬二道俱
係兼管關務有經手錢糧之責現值一年截數
屆期未便調省接署查目下辦理秋審正當喫
緊之際該臬司劉斯崐廉幹勤明悉心校勘呈

送各冊已將及半尤未便更易生手應請暫留
皖省令其一手經理以專責成而昭詳慎一俟
秋審辦竣飭令交卸起程彼時新任臬司裕泰
計亦可以抵任毋庸另行委署臣爲慎重讞典
起見謹會同兩江總督臣魏元煜恭摺具
奏伏乞

皇上聖鑒訓示謹

奏

道光五年三月初三日拜發四月初三日奉到
硃批依議欽此

知縣拏獲鄰境盜匪摺子

奏爲知縣拏獲隣境盜匪多名專摺保

奏仰祈

聖鑒事竊照安徽省北路一帶向多匪徒竄逸節經
臣督飭各屬訪拿嚴緝按律懲辦並飭以如果
始終勤奮自當照例

奏請鼓勵茲查鳳陽縣知縣謝時和自道光三年
十一月至四年七月先後獲犯張世陳大陳二
闕喜孜李吉倉劉正起劉正魁馬禿孜王學傳
王學維等十名究出王學傳張世陳大係疊劫

當塗縣事主霍文舉滁州客民程世澤蒙城縣
事主馬孔元等家案內逸盜陳二等係結拜異
姓弟兄夥竊江蘇東臺縣事主許坤生錢店案
內匪犯錄供稟詳審擬解省委員歷訊其霍文
舉被刼一案係王學傳起意行強陳大聽從將
事主推倒與張世入室搜刼張世又夥刼行客
程世澤用刀將騾夫馬奉林拒傷陳大又行刼
事主馬孔元家明火搜贓王學傳又與陳二等
多人結拜弟兄並糾竊許坤生錢店贓逾滿貫
將王學傳張世陳大均依強盜得財律擬斬立

決聲明法所難宥陳二等擬以流徒解司張世
旋卽在監病故王學傳等由司勘轉經臣提訊
分別

題咨在案茲據臬司劉斯端以謝時和才情練達
辦事勤奮在鳳陽縣任內並無承緝逃盜未獲
之案今獲鄰境巨盜三名又獲聚衆肆竊匪犯
七名核與送部引

見之例相符詳請具

奏前來臣查例載地方官拿獲鄰境刼掠巨盜准
該督撫專摺奏請送部引

見又拿獲罪應斬決盜犯數在三名以上准送部引
見各等語今鳳陽縣知縣謝時和拿獲鄰境罪應斬
決之巨盜王學傳張世陳大三名又捕獲肆竊
多賊及聚衆結拜罪應流徒之匪犯陳二等七
名實屬緝捕勤能該員本任內並無承緝逃盜
未獲之案核與專摺奏請送部引

見之例相符可否仰懇

皇上天恩准其送部引

見以示鼓勵之處出自

鴻施

臣

謹會同兩江總督

臣

魏元煜遵例恭摺具

奏伏乞

皇上聖鑒訓示遵行謹

奏

道光五年五月十三日拜發六月二十一日奉
到

硃批另有旨欽此同日奉到道光五年五月二十九
日內閣奉

上諭陶澍奏知縣獲盜請加鼓勵一摺安徽鳳陽縣
知縣謝時和拏獲隣境盜犯多名著准其送部引
見該部知道欽此

委護糧道並請

旨簡放摺子

總督會稿

奏爲蘇松糧道因病出缺先行委員兼護並請

旨簡員補放以重職守仰祈

聖鑒事竊

臣

等接據常熟昭文二縣稟報蘇松糧道

宋潢因患傷寒病症醫治無效於七月二十二日出缺等情伏查蘇松糧道該管四府一州爲漕糧最重之區兼有催收漕項錢糧出納鈎稽之責員缺緊要現屆回空伊邇卽須籌辦新漕事宜亟應遴員先行接署以資治理查有蘇州

府知府額騰伊老成明達勤幹有爲其調任首
郡已閱五載有餘每遇糧道押運北上凡道署
應辦事件均係委令該府兼辦一切皆所熟悉
本年辦理海運出力蒙

恩賞加道銜以之兼護蘇松糧道篆務實堪勝任除
檄飭遵照並將未潢出缺日期另疏具

題外所有蘇松糧道員缺相應請

旨迅賜

簡員補放以重職守現在江省有揀發道府慶玉福
昇阿二員均屬年壯才明辦事勤奮慶玉前經

委赴天津交兌海運米石尙未旋省福昇阿現
署鎮江府知府印務是以糧道一缺未以委署
可否卽以該二員補放之處合併聲明恭候

欽定 臣等謹合詞繕摺會

奏伏乞

皇上聖鑒謹

奏

道光六年八月初六日拜發九月初一日奉到
硃批另有旨欽此同日奉到道光六年八月十八日
內閣奉

上諭江蘇蘇松糧道員缺著湯藩調補所遺江安糧道員缺著額騰伊補授欽此同日又奉

上諭江蘇蘇州府知府員缺緊要著該督撫於通省知府內揀員調補所遺員缺著李景嶧補授欽此

請揀員調補首府摺子

總督會稿

奏爲省會知府要缺遵

旨揀員調補仰祈

聖鑒事竊照蘇州府知府額騰伊蒙

恩擢授江安糧道欽奉

上諭江蘇蘇州府知府員缺緊要著該督撫於通省知府內揀員調補所遺員缺著李景嶧補授欽此查蘇州府爲省會要地管轄九縣賦重事繁且時有發審案件必須精明幹練之員方足以資治理當與藩臬各司於通省知府中逐加遴選

非現任繁劇卽人地未宜惟查有松江府知府
陳鑾現年三十七歲湖北江夏縣人由庚辰科
一甲進士授翰林院編修道光二年四月充
武英殿協修三年二月補纂修

記名以御史用五年

京察一等引

見奉

旨記名以道府用七月奉

旨補授今職五年九月到任因辦理海運出力六年

六月奉

上諭著賞加道銜欽此該員守正才長年力精壯勤
民育士紳著循聲以之調補蘇州府知府洵堪
勝任如蒙

俞允所遺松江府員缺遵

旨卽以李景嶧補授其所遺松江府川沙撫民同知
係沿海要缺例應在外揀選調補容臣等另行
遴員請補合並陳明謹合詞恭摺具

奏伏乞

皇上聖鑒謹

奏

道光六年十月初二日具

奏十一月初二日奉到

硃批另有旨欽此同日奉到道光六年十月十七日

內閣奉

上諭琦善等奏揀員調補省會要缺知府一摺著照所請江蘇蘇州府知府准其以陳鑾調補所遺松江府知府員缺卽著李景驛補授該部知道欽此

江蘇應徵錢糧比較完欠分數摺子

奏爲查明江蘇省道光五年奏銷案內已未完解地丁錢糧比較上三年完欠分數恭摺具

奏仰祈

聖鑒事竊照道光六年接准部咨彙奏各直省徵收道光四年新舊錢糧比較分數案內議請自道光五年爲始均於奏銷截數後開單奏報並頒清單式樣轉飭藩司畫一辦理等因奉

旨知道了欽此抄錄原奏及清單式樣行文照辦等因卽經檄行江蘇兩藩司遵照辦理在案茲屆

道光五年奏銷之期據江寧布政使張志緒詳稱江淮等屬道光五年奏銷冊報額徵地丁銀兩除各屬徑支祭品工食等款因災蠲緩減則停緩等項外實應徵熟田新賦銀六十萬八千九百三十五兩零截至道光六年六月底止已完解司銀五十六萬八千八百七十二兩零未完銀四萬六十二兩零比較道光二年計今屆少完三釐比較道光三年計今屆多完三釐比較道光四年計今屆少完二釐又舊賦項下道光五年分帶徵嘉慶二十三年起至道光四年

止各年積欠銀兩內除坍江淮豁及各屬災緩
尙未屆限啟徵外實應徵銀二十三萬五千九
百一十九兩零截至道光六年六月底止已完
解司銀八萬三千七百六十兩零未完銀一十
五萬二千一百五十八兩零比較道光二年計
今屆多完一分六釐比較道光三年計今屆多
完一分一釐比較道光四年計今屆少完四釐
又據蘇州布政使賀長齡詳稱蘇松等屬道光
五年奏銷冊報額徵地丁銀兩除各屬徑支祭
品開淺夫工食老荒役食撥補缺額鹽課驛站

荒缺不敷馬價寶山縣坍荒註緩候豁等項外
實應徵熟田新賦銀一百二十八萬四千二百
三十五兩零截至道光六年五月底止已完銀
一百二十六萬八千九百四十九兩零又婁縣
溧陽縣溢完銀七分四釐內除前任已故丹徒
縣王臺徵存動缺銀八千七百八十六兩零應
歸叅案另結外實在完解司庫銀一百二十六
萬一百六十三兩零未完銀一萬五千二百八
十五兩零比較道光二年計今屆多完一釐比
較道光三年計今屆多完四釐比較道光四年

與今屆已完分數相等又舊賦項下道光五年
分應徵嘉慶二十三年起至道光四年止各年
積欠銀兩內除各屬災緩尙未屆限啓徵外實
應徵銀九十五萬七千四百二十九兩零截至
道光六年五月底止已完銀五十五萬八百四
十七兩零又各屬預完道光三年二三兩限災
緩地丁銀一萬一千八百八十四兩零又南漚
縣溢完銀三釐共完銀五十六萬二千七百三
十一兩零除前任已故丹徒縣王臺徵存動缺
道光二三四等年地丁銀一千一百一十一兩

零應歸叅案追完另結外實在完解司庫銀五十六萬一千六百一十九兩零未完銀四十萬六千五百八十二兩零比較道光二年計今屆多完一分三釐比較道光三年計今屆多完一分八釐比較道光四年計今屆多完三分二釐均遵部行查照頒發式樣將新舊錢糧按年核明已未完數開列比較分數清單詳請具

奏前來臣覆核無異除飭司嚴飭各屬將未完銀兩實力催徵完解並令吊查紅簿串根逐加確核如有銀數參差卽行嚴叅懲辦並咨明戶部

查核外理合恭摺具

奏併另繕清單恭呈

御覽伏乞

皇上聖鑒謹

奏

道光六年十月初二日拜發十一月初二日奉
到

硃批戶部知道單併發欽此

清釐徐州府庫墊款摺子

奏爲清釐徐州府庫墊款分別辦理恭摺

奏明仰祈

聖鑒事竊照徐州府庫向有存貯備公銀二萬兩遇有因公借墊未歸歷係於該府交代案內造冊報部惟歷年久遠亟須清理經臣節次飭令澈底查明造冊詳辦去後茲據江寧布政使張志緒將府庫借墊各款查明已未歸補數目議詳請

奏前來

臣

查徐州府庫歷任借墊各款截至前署

知府馮馨釐事交代爲止尙有未歸銀一萬一千六百六十三兩零內嘉慶七年防堵宿州匪徒撫卹災民動用銀兩原議通省攤捐歸款尙有蘇藩司屬應捐未歸銀九百八十八兩零又嘉慶八年銅蕭二縣挑築天然閘下河埝工程借動銀兩原議捐廉歸補尙有蕭縣應捐未歸銀一百六十三兩零又嘉慶九年捐置銅山縣典史衙署借動銀兩原議在於徐屬州縣攤捐還款尙有宿遷縣應捐未解銀五十兩又道光二年搶護峯山閘河埝工動用庫款除已攤捐

歸補外尚有前任知府俞穎達及銅山縣馮立
嶸等應捐未歸銀一千九百兩以上四款共銀
三千一百二兩零應請從現在具

奏之日起勒限一年解清還款又嘉慶九年睢寧
縣挑辦峯山閘借動府庫銀二千兩業經前任
藩司許兆椿於嘉慶十二年在司庫動款撥給
當時卽劃收前任邳州魯沂欠款飭令府庫於
應撥邳州銀內就近劃還維時該前府閻學淳
已將應撥邳州銀兩先行給領應令接署邳州
姚鳳楷解還府庫旋經報入二次清查因姚鳳

楷病故無完於道光元年欽奉

恩詔查辦官員賠項案內將此款銀二千兩同姚鳳楷另認魯沂捐雜款銀一千七百二十五兩零彙爲一款咨部請豁道光三年二月十九日接准戶部行知准其豁免飭令照案查銷是前項借動府庫銀二千兩係已准豁免之款應請於府庫額存數內銷除完案又道光二年防護聞下河埧動借府庫銀七千三百兩除歸還外尙有未歸銀六千五百六十一兩零係銅山蕭縣靈璧三縣攤徵未完之款因各該縣頻年災歉

緩徵應俟徵起再行解還歸款除飭司將應追各款按限嚴追併咨明戶部外所有清釐徐州府庫墊款緣由謹會同督臣琦善繕摺具奏伏乞

皇上聖鑒謹

奏

道光六年十月十九日具

奏十一月二十二日奉到

硃批戶部知道欽此

請留調任藩司辦漕摺子 總督會稿

奏爲調任藩司請暫緩交卸趕辦漕務仰祈

聖鑒事竊 臣等接奉

上諭山東布政使員缺著賀長齡調補江蘇布政使
員缺著梁章鉅補授欽此當卽轉行欽遵在案伏
思藩司賀長齡蒙

恩調任山東應卽前赴新任惟是江蘇錢漕極爲繁
重新任梁章鉅到蘇尙須時日查本年欽奉
諭旨飭令督同藩司將收漕章程分別酌定並將矜
棍陋規痛行裁革兼蒙

特旨明年各省起運南糧勒限於四月二十日以前
趕抵禦壩所有蘇松等屬漕船尤應於冬盡春
初全行兌開俾各省軍船得以節節趕早迅速
渡黃與往年辦漕情形迥不相同現在各屬收
兌催儹正當喫緊之時該司爲錢漕總匯整頓
章程督飭儹辦正資熟手相應請

旨將調任山東布政使賀長齡暫緩交卸俾得趕辦
一切一俟漕船全數開行事竣卽令交卸起程
臣等往返札商意見相同謹合詞恭摺具

奏伏乞

皇上聖鑒謹

奏

道光六年十二月二十八日具

奏七年正月二十九日奉到

硃批依議欽此

委署藩臬道府摺子

總督會稿

奏爲委署藩臬道府印務恭摺具

奏仰祈

聖鑒事接准吏部咨道光七年五月二十四日欽奉
上諭山西布政使員缺著張志緒調補來京請訓再
赴新任林則徐著補授江寧布政使方載豫著補
授陝西按察使林則徐俟方載豫到任後來京請
訓再赴新任林則徐未到任以前江寧布政使印
務著該督撫派員暫行署理欽此當卽轉行欽遵
查江寧藩司張志緒應卽遵

旨交卸進京請

訓所有江寧藩司印務查有江蘇臬司覺羅慶善持躬清慎明練安詳堪以署理所遺臬篆查有蘇松太道潘恭常精勤卓練曾加按察使銜堪以署理其蘇松太道印務查有蘇州府知府加道銜陳鑑廉明勤幹堪以護理其蘇州府印務查有松江府知府李景嶧敦樸勤明堪以署理其松江府印務查有太倉直隸州知州現署泰州知州王有慶精勤安練堪以署理除分飭遵照外

臣等謹合詞恭摺具

奏伏乞

皇上聖鑒謹

奏

道光七年閏五月十九日具

奏六月二十三日奉到

硃批知道了欽此

江安蘇松兩糧道漕項完欠比較分數摺子

奏爲查明江安蘇松兩省道光五年漕項奏銷案內已未完解錢糧比較上三年完欠分數仰祈聖鑒事竊照道光六年接准部咨彙奏各直省徵收道光四年新舊錢糧比較分數案內議請自道光五年爲始均於奏銷截數後開單奏報並頒清單式樣轉飭藩司畫一辦理等因奉

旨知道了欽此抄錄原奏清單行文照辦並准部咨漕項錢糧係隔年奏銷應照奏准之案於隔年奏銷時分別開單奏報等因卽經轉行江安蘇

松兩糧道遵照辦理在案茲屆道光五年漕項
奏銷之期據江安督糧道額騰伊詳稱江安各
屬道光五年額徵漕項銀兩除抵兌並因災蠲
緩註緩徑給蒔贈月糧等銀外實應徵熟田新
賦銀二十二萬五千五百六十五兩零截至道
光七年造報奏銷止已完解道銀二十一萬六
千一十三兩零未完銀九千五百五十一兩零
比較道光二年計今屆多完六釐比較道光三
年計今屆多完二釐比較道光四年計今屆多
完一釐又舊賦項下道光五年帶徵嘉慶二十

三年起至道光四年止積欠銀兩除各屬因災
遞緩及搭運緩漕徑給幫丁請贈外實應徵銀
三萬六千八百六十七兩零截至道光七年造
報奏銷止已完解道銀二萬二千四百二十四
兩零未完銀一萬四千四百四十三兩零比較
道光二年計今屆多完三釐比較道光三年計
今屆少完四釐比較道光四年計今屆少完一
分九釐又據蘇松督糧道湯藩詳稱蘇松等屬
道光五年額徵漕項銀兩除徑解蘇州藩司贍
運並各案蠲豁註緩及前任丹徒縣知縣王臺

動缺漕項應歸叅案追辦外實應徵熟田新賦銀六十萬九千七十一兩零截至道光七年造報奏銷止已完解道銀四十二萬八千一百六十七兩零未完銀一十八萬九百三兩零比較道光二年計今屆多完一釐比較道光三年計今屆少完一釐比較道光四年與今屆已完分數相同又舊賦項下道光五年帶徵嘉慶二十三年起至道光四年止積欠銀兩除已故震澤縣知縣牟釗及前任丹徒縣知縣王臺虧缺漕項應歸叅案追辦併各屬災緩尙未屆限啟徵

外實應徵銀一百八萬二千五十九兩零截至
道光七年造報奏銷止已完解道銀一十七萬
九千六百二十兩零未完銀九十萬二千四百
三十九兩零比較道光二年計今屆多完一分
四釐比較道光三年計今屆多完九釐比較道
光四年計今屆多完六釐均遵部頒式樣將新
舊錢糧按年核明已未完數開列比較分數清
單詳請具

奏前來臣覆核無異除飭兩糧道嚴飭各屬將未
完銀兩實力催徵完解並令吊查紅簿串根逐

加確核如有銀數參差卽行嚴叅懲辦並咨明
戶部查核外謹會同安徽巡撫臣鄧廷楨合詞
恭摺具

奏並另繕清單恭呈

御覽伏乞

皇上聖鑒謹

奏

道光七年六月二十九日拜發七月二十九日
奉到

硃批戶部知道單併發欽此

請補首郡要缺同知摺子

總督會稿

奏爲要缺同知需員循例專摺具

奏仰懇

聖恩俯准陞補以裨地方事竊照蘇州府督糧同知
福隆阿告病遺缺先經

奏請以長洲縣知縣俞德淵陞補奉

旨允准未經引

見旋卽丁憂復請以吳縣知縣萬臺陞補部覆准陞
尙未引

見旋亦丁憂又請以崇明縣知縣王青蓮題陞經吏

部以王青蓮坐補崇明縣到任日期及儘先陞用之案俱在福隆阿告病出缺以後議駁不行令另選合例人員調補當因原任同知福隆阿業已病痊到省可否卽以該員坐補咨准部覆以此缺仍係福隆阿告病原缺並未另補有人例不准將福隆阿坐補仍應另選合例人員等因_臣等伏查蘇州府督糧同知駐劄蘇州城外楓橋地方商賈雲集遇有控訴事件歸其審理並彈壓染坊踰匠人數衆多兼首郡事繁時有發審會辦之案必需精明幹練之員方足以

資治理臣等與藩臬兩司復於通省同知內逐
加遴選非現居要缺卽人地未宜實無合例堪
以調補督糧同知之員惟查有崇明縣知縣王
青蓮年四十九歲貴州遵義縣人由嘉慶七年
壬戌科進士改庶吉士散館以知縣用選授崑
山縣知縣調補崇明縣知縣因病卸事坐補今
職道光五年十月初二日到任上年辦理海運
崇明四面繞海爲商船出入大洋第一要衝該
員經涉風濤獨任彈壓毫無貽悞事竣保

奏奉

旨王青蓮著以應陞之缺儘先陞用欽此查該員奉
旨儘先陞用係在督糧同知出缺之後例無庸議惟
此缺係道光五年六月初四日福隆阿告病所
出歷今已閱數載現在並無奉

旨應陞之員在於王青蓮之前其病痊之福隆阿亦
例不准補此外又無合例之員自不得不酌量
遴員請補覆查該員王青蓮明白勤能辦事幹
練自嘉慶十六年來蘇至今十有餘年地方情
形最爲熟悉歷俸亦久滿三年以之陞補蘇州
府督糧同知實堪勝任惟該員崇明到任日期

在同知出缺以後與例稍有未符然人地實在
相需例得專摺具

奏請

旨施行據藩臬兩司會詳前來臣等謹循例專摺具
奏合無仰懇

聖恩俯念員缺緊要准以崇明縣知縣王青蓮陞補
蘇州府督糧同知實於地方有裨如蒙

俞允俟

命下之日照例給咨送部引

見除將該員住俸罰俸應完銀數飭司遵例造冊另

行送部外其所遺崇明縣知縣係繁難沿海要缺例應在外揀選調補容_臣等另行遴員請調合並陳明伏乞

皇上聖鑒訓示謹

奏

道光七年八月初三日拜發九月初六日奉到硃批另有旨欽此同日奉到八月十九日內閣奉上諭蔣攸銓等奏揀員陞補要缺同知一摺著照所請江蘇蘇州府督糧同知准其以王青蓮陞補照例送部引見該部知道欽此

調署糧道並請

旨簡放摺子

總督會稿

奏爲道員患病開缺請

旨簡放並遵員遞署仰祈

聖鑒事據蘇松糧道湯藩詳稱本年押運在途感受暑溼染患脾瀉回蘇後日漸沉重兩腿軟弱步履需人扶掖一時不能痊癒請委驗開缺調理等情當卽飭委常鎮道劉名載詣驗除照例取結另行恭疏

題報外查蘇松糧道管理四府一州事務爲漕糧

最重之區現在軍船回空亟須修脩趁兌新漕限期緊促尤非常時漕事可比應卽委員接署惟責任重大必得熟悉情形之員方克勝任查有江安糧道額騰伊前任蘇州首郡五年有餘每遇糧道押運北上一切道署應辦事件均委令該府兼辦併曾護理蘇糧道篆於蘇松一帶漕務情形最爲熟悉該員廉勤幹練有守有爲以之調署蘇松糧道可期實心整頓經理得宜所遺江安糧道雖事務稍簡現亦當辦理新漕查有江寧府知府余需元在任十餘年歷署鹽

巡常鎮河庫各道併四次署理江安糧道俱能
辦理裕如曾經兩次卓異奉

旨註冊候陞併蒙

賞加道銜該員秉心廉正歷練勤明堪以委署江安
糧道篆務除分札飭遵外至所遺蘇松糧道員
缺緊要請

旨卽賜

簡放以重職守謹會同漕運總督臣訥爾經額合詞
恭摺具

奏伏乞

皇上聖鑒謹

奏

道光七年十一月二十五日具

奏十二月二十六日奉到

硃批另有旨欽此同日奉到十二月十一日內閣奉
上諭蔣攸銍等奏道員患病開缺請旨簡放一摺江
南蘇松糧道湯藩患病未痊准其開缺調理所遺
員缺著額騰伊調補所遺江安糧道員缺著中山
補授欽此

大中丞安化陶公自翰林改侍御游擢吳撫政成化
行暇日輯題奏手稿得若干卷皆攸關大政循例之
章不與王臣匪躬之故

聖人如傷之視悉見於是公富於學術事必躬親御
劇以簡酒翰如飛自道光紀年以來

恩承特達都人士莫不艷羨榮遇爲儒臣之極致讀
是編而知公年方服政其潤於千里徧於崇朝者已
如此然後見公之所以仰結

主知者有在上爲

國家慶得人下爲斯民頌攸堅也

元淮

以節下末吏

司校讐之役盛業旣成用記簡末道光八年冬十月
蘇州府照磨松滋謝元淮謹跋